



სს „ნამახვანისთვის“ ნამახვან ჰესების კასკადის პროექტთან დაკავშირებით

საინჟინრო-გეოლოგიური მომსახურების შესყიდვის

გამარტივებული ელექტრონული ტენდერი

cpv 71300000

მაისი, 2016

## სატენდერო დოკუმენტაცია

### 1. ინსტრუქცია ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“, დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- გამარტივებული ელექტრონული ტენდერი, ტარდება კანონის მე-3 მუხლის 1. “რ“ პუნქტის თანახმად;
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 120 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს უფლება აქვს წარმოადგინოს მხოლოდ ერთი სატენდერო წინადადება. პრეტენდენტს არა აქვს უფლება წარმოადგინოს ალტერნატიული წინადადება.
- ტენდერში შესაძლებელია მხოლოდ ერთი გამარჯვებულის გამოვლენა.

### 2. შესყიდვის ობიექტი

2.1. მიმწოდებელმა ნამახვან ჰესების კაკსადის პროექტთან დაკავშირებით და ეკოლოგიური დასკვნის პირობებიდან გამომდინარე (ინფორმაცია პროექტზე იხ. წინამდებარე დოკუმენტის მე-6 ნაწილში) უნდა შეასრულოს შემდეგი სამუშაოები:

2.1.1. ბუნებრივი კატასტროფების პრევენციული ღონისძიებებისა და ავარიებზე რეაგირების სამოქმედო გეგმების შემუშავება (ეკოლოგიური დასკვნის პირობები, პუნქტი 3), ამასთან, გეგმები მათ შორის უნდა მოიცავდეს:

2.1.1.1. დაგეგმილი წყალსაცავების დატბორვის არეალში განვითარებული გეოდინამიკური პროცესების დეტალური შესწავლის, შეფასებისა და პროგნოზირებისათვის საჭირო სამუშაოების ჩასატარებლად ტექნიკური დავალების შედგენას (ეკოლოგიური დასკვნის პირობები, პუნქტი 4);

2.1.1.2. სამშენებლო სამუშაოების დაწყებამდე დაგეგმილი კასკადის ზეგავლენის არეალში არსებული კარსტული მღვიმეების დამატებითი დეტალური კვლევების ჩასატარებლად ტექნიკური დავალების შედგენას (ეკოლოგიური დასკვნის პირობები, ნაწილი 5);

2.1.2. ყველა ზემოაღნიშნული სამუშაოს შესრულება კანონის ფარგლებში საქართველოს გარემოსა და ბუნებრივი რესურსების დაცვის სამინისტროსთან კონსულტაციების შესაბამისად და მათთვის მისაღები (კანონის ფარგლებში შეთანხმების შესაძლებლობიდან გამომდინარე) შინაარსით, ისე რომ მიღწეულ იქნას

ეკოლოგიური დასკვნის მე-2 ნაწილის მე-3, მე-4 და მე-5 პუნქტით გათვალისწინებული პირობების შესრულება;

- 2.1.3. ზემოაღნიშნულ ტექნიკური დავალებების საფუძველზე მესამე პირის (მენარდის) მიერ შესასრულებელი სამუშაოების შესრულების მონიტორინგი, რომელიც, ასევე უნდა განხორციელდეს იმ ფორმით, რომ უზრუნველყოფილ იქნეს სამინისტროს მიერ მითითებული შესაბამისი პირობების შესრულება.

### **3. ტენდერის პირობები**

#### **3.1. გასაწევი მომსახურების ვადები და პირობები**

მიმწოდებელმა უნდა უზრუნველყოს მომსახურების გაწევა ხელშეკრულების დადებიდან 30 კალენდარული დღის მანძილზე, მაგრამ არაუგვიანეს 2016 წლის 30 ივნისისა.

#### **3.2. შესყიდვის ობიექტის სავარაუდო ღირებულება**

3.2.1. მომსახურების სავარაუდო ღირებულებაა 20'000 (ოციათასი) ლარი დღგ-ს და ნებისმიერი ხარჯის ჩათვლით, რაც საჭიროა სამუშაოების შესასრულებლად.

3.2.2. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა. აღნიშნულის დასაბუთება შესაძლებელია პრეტენდენტის მიერ წარმოდგენილი მსგავს სამუშაოზე გაფორმებული ხელშეკრულებით და მიღება-ჩაბარების აქტ(ებ)ით.

#### **3.3. ანგარიშსწორების წესი**

3.3.1. სამუშაოების ღირებულების გადახდა მოხდება სამუშაოების დასრულების შემდეგ, მიღება-ჩაბარების აქტზე ხელმოწერიდან (და დღგ-ს გადამხდელის შემთხვევაში ანგარიშ-ფაქტურის დამკვეთისთვის მიწოდებიდან) 2 კვირის ვადაში.

3.3.2. ავანსირება შესაძლებელია არაუმეტეს სრული ღირებულების 20%-ისა საბანკო გარანტიის წარმოდგენის შემთხვევაში. გარანტიის პირობები განისაზღვრება ხელშეკრულების შესაბამისად.

### **4. საკონტაქტო ინფორმაცია**

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, ბარათაშვილის 8, სართული IV. საკონტაქტო პირი აპარატის წევრი - სოფიო სირბილაძე - ტელ.: 595 56 50 04, ტექნიკურ და ფინანსურ საკითხებზე - კომისიის თავმჯდომარე - გიორგი ჩაჩიბაია - 577 64 94 39.

### **5. გამოცდილებისა და კვალიფიკაციის მოთხოვნები**

5.1.1. მომსახურების ხარისხიანად ჩატარების უზრუნველსაყოფად პრეტენდენტი უნდა აკმაყოფილებდეს შემდეგ პირობებს:

- უნდა იყოს გარემოზე ზემოქმედების შეფასების სპეციალისტი;

- უნდა ჰყავდეს თანამშრომლები შემდეგი სპეციალიზაციით: ეკოლოგი, გეოლოგი, ინჟინერ-გეოლოგი, კარსტების სპეციალისტი, ან თუ პრეტენდენტი ფიზიკური პირია, უნდა წარმოადგენდეს ყველა ზემოაღნიშნულ სპეციალისტს.
- გარემოზე ზემოქმედების სრული (და არა მისი რომელიმე ნაწილის) ანგარიშის შესრულების სულ მცირე 5 წლიანი გამოცდილება.

5.1.2. გამოცდილების და კვალიფიკაციის დასადასტურებლად პრეტენდენტმა სისტემის მეშვეობით უნდა ატვირთოს შემდეგი დოკუმენტაცია:

- ა) სატენდერო წინადადება დანართი #1-ის მიხედვით;
- ბ) ინფორმაცია პრეტენდენტის გამოცდილების შესახებ შესაბამისი ხელშეკრულებების და მიღება-ჩაბარების აქტების დართვით (მიღება-ჩაბარების აქტის ნაცვლად შესაძლებელია წარმოდგენილ იქნეს საგადახდო დავალებები, რომლებიც ადასტურებენ გადახდას წარმოდგენილი ხელშეკრულების საფუძველზე. შესაძლებელია არ იქნეს წარმოდგენილი ხელშეკრულება, თუკი მიღება-ჩაბარების აქტი ადასტურებს რა სახის სამუშაო შესრულდა, როდის, რა ღირებულების და სრულად შესრულდა თუ არა). ინფორმაცია წარმოდგენილ უნდა იქნას დანართი #2-ის შესაბამისად;
- გ) სატენდერო დოკუმენტაციის 5.1.1. პუნქტის მეორე ქვეპუნქტში მითითებულ პირ(ებ)ის ავტობიოგრაფია/ავტობიოგრაფიები და დიპლომ(ებ)ის ასლები.
- დ) რეკვიზიტები დანართი #3-ის შესაბამისად.

5.1.3. ყველა სავალდებულო დოკუმენტაცია წარმოდგენილი უნდა იქნას ქართულ ენაზე ან ინგლისურ ენაზე, რომელსაც თან დაერთვის ნათარგმნი ქართულ ენაზე, დადასტურებული ნოტარიუსის მიერ.

## 6. ინფორმაცია პროექტზე და ტექნიკური მაჩვენებლები

შემსყიდველი ახორციელებს ნამახვან ჰესების კასკადის პროექტს ცაგერისა და წყალტუბოს მუნიციპალიტეტის ტერიტორიაზე, საერთო ჯამური დადგმული სიმძლავრით 433 მგვტ. მშენებლობის და დატბორვის არეალია ჯამში 6 კვმ-მდე. საქართველოს გარემოსა და ბუნებრივი რესურსების სამინისტროს ბრძანებით დამტკიცებულია კასკადის მშენებლობასა და ექსპლუატაციაზე გარემოზე ზემოქმედების შეფასების ანგარიშზე დადებით ეკოლოგიური დასკვნა, რომლის მიხედვით შემსყიდველს დაევალა დამატებით გარკვეული პირობების შესრულება. მოცემული პირობების ნაწილია ის სამუშაოები, რომლის შესყიდვაზეც ცხადდება წარმოდგენილი ტენდერი. სატენდერო წინადადების შემადგენელი ნაწილებია ტექნიკური დოკუმენტაცია (ინგლისურ ენაზე), რომლებიც პრეტენდენტმა უნდა ჩამოტვირთოს შემდეგი ელექტრონული მისამართებიდან:

- გარემოზე ზემოქმედების ანგარიში  
<https://www.dropbox.com/s/rim8d2yhnqw27a7/ESIA%20EN.zip?dl=0>
- კარსტების შესახებ წინასწარი ანგარიში  
<https://www.dropbox.com/s/kngzgohtozwlaux/danarti%202%20-%20Namakhvani%20hpps%20-%20Karst%20Notes-SP%20150710.pdf?dl=0>

## სახელმწიფო შესყიდვების შესახებ ხელშეკრულების

### პროექტი

ერთის მხრივ, სს „ნამახვანი“, წარმოდგენილი მისი დირექტორის, გიორგი ჩაჩიბაიას სახით (შემდგომში – “შემსყიდველი”),

და მეორეს მხრივ, ----- (შემდგომში “მიმწოდებელი”) წარმოდგენილი დირექტორის ----- სახით,

იმ გარემოებიდან გამომდინარე, რომ 2016 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის “რ” ქვეპუნქტის შესაბამისად გამოცხადებულ ტენდერში SPA----- გამარჯვებულად გამოცხადდა შპს “-----

---- “ფასით - (-----) ლარი დღგ-ს გარეშე, ვთანხმდებით შემდეგზე:

### 1. შესასრულებელი სამუშაო

1.1. მიმწოდებელმა ნამახვან ჰესების კასადის პროექტთან დაკავშირებით და ეკოლოგიური დასკვნის პირობებიდან გამომდინარე უნდა შეასრულოს შემდეგი სამუშაოები (შემდგომში „სამუშაოები“):

1.1.1. ბუნებრივი კატასტროფების პრევენციული ღონისძიებებისა და ავარიებზე რეაგირების სამოქმედო გეგმების შემუშავება (ეკოლოგიური დასკვნის პირობები, პუნქტი 3), ამასთან, გეგმები მათ შორის უნდა მოიცავდეს:

- დაგეგმილი წყალსაცავების დატბორვის არეალში განვითარებული გეოდინამიკური პროცესების დეტალური შესწავლის, შეფასებისა და პროგნოზირებისათვის საჭირო სამუშაოების ჩასატარებლად ტექნიკური დავალების შედგენას (ეკოლოგიური დასკვნის პირობები, პუნქტი 4);
- სამშენებლო სამუშაოების დაწყებამდე დაგეგმილი კასადის ზეგავლენის არეალში არსებული კარსტული მღვიმეების დამატებითი დეტალური კვლევების ჩასატარებლად ტექნიკური დავალების შედგენას (ეკოლოგიური დასკვნის პირობები, ნაწილი 5);

1.2. ყველა ზემოაღნიშნული სამუშაოს შესრულება კანონის ფარგლებში საქართველოს გარემოსა და ბუნებრივი რესურსების დაცვის სამინისტროსთან კონსულტაციების შესაბამისად და მათთვის მისაღები (კანონის ფარგლებში შეთანხმების შესაძლებლობიდან გამომდინარე) შინაარსით, ისე რომ მიღწეულ იქნას ეკოლოგიური დასკვნის მე-2 ნაწილის მე-3, მე-4 და მე-5 პუნქტით გათვალისწინებული პირობების შესრულება;

1.3. ზემოაღნიშნულ ტექნიკური დავალებების საფუძველზე მესამე პირის (მენარდის) მიერ შესასრულებელი სამუშაოების შესრულების მონიტორინგი, რომელიც, ასევე უნდა განხორციელდეს იმ ფორმით, რომ უზრუნველყოფილ იქნეს სამინისტროს მიერ მითითებული შესაბამისი პირობების შესრულება.

## 2. გასაწევი მომსახურების ხარისხი

- 2.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 2.2. მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

## 3. ხელშეკრულების შესრულების კონტროლი (ინსპექტირება)

- 3.1. ხელშეკრულებით ნაკისრი ვალდებულებების შესრულების პერიოდულ ინსპექტირებას და კონტროლს ნებისმიერ ეტაპზე ახორციელებს შემსყიდველი.
- 3.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3. მიმწოდებელს ევალება საფინანსო ინსტიტუტებთან და ინვესტორებთან, ასევე შემსყიდველის კონსულტანტთან თანამშრომლობა ნებისმიერ, მის მიერ შესასრულებელ საკითხზე.

## 4. შესყიდვის ობიექტის მიღება-ჩაბარების წესი

- 4.1. სამუშაოს მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით. (ერთიანად ან ნაწილ-ნაწილ გამარჯვებულთან შეთანხმების შესაბამისად).
- 4.2. მიღება-ჩაბარების აქტების გაფორმების პარალელურად, მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## 5. ანგარიშსწორების წესი

- 5.1. სამუშაოების სრული ღირებულებაა 20'000 (ოციათასი) ლარი დღგ-ს ჩათვლით (ხელშეკრულების ღირებულება). ანგარიშსწორება მოხდება უნაღდო ანგარიშსწორებით ლარში, შემდეგი წესით:
- 5.1.1. მიმწოდებლის მიერ ავანსის გარანტიის შემსყიდველისთვის წარდგენიდან 3 საბაკო დღის ვადაში სრული ღირებულების --% (მხარეთა შეთანხმებით არაუმეტეს 20%-ისა) (იმ შემთხვევაში თუ მოთხოვნილი იქნება ავანსი):
- 5.1.2. საბოლოო გადახდა, ღირებულების --%, საბოლოო მიღება-ჩაბარების აქტზე მხარეთა ხელმოწერიდან (და თუ დღგ-ს გადამხდელია - ფაქტურის შემსყიდველისთვის მიწოდებიდან) 2 კვირის ვადაში.
- 5.2. ხელშეკრულების ღირებულების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

5.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

## 6. საავანსო გარანტია

(იმ შემთხვევაში თუ მხარეები შეთანხმდნენ ავანსირებაზე)

6.1. მიმწოდებელი ვალდებულია ავანსის გადახდამდე წარუდგინოს მიმწოდებელს საავანსო გარანტია, რომელიც შეესაბამება შემდეგ პირობებს:

- გარანტი უნდა იყოს ლიცენზირებული ბანკი ან სადაზღვევო კომპანია.
- გარანტია უნდა იყოს უპირობო და გამოუთხოვადი.
- ბენეფიციარს უფლება ექნება მოითხოვოს და დაუყოვნებლივ მიიღოს გარანტიისგან უზრუნველყოფილი თანხა, ყოველგვარი მტკიცებულებების წარდგენის გარეშე.
- გარანტიის ვადამდე შეწყვეტის პირობები: ა) გარანტის მიერ ბენეფიციარისთვის გარანტიით უზრუნველყოფილი თანხის სრულად გადახდის შემთხვევაში, ბ) ბენეფიციარის მიერ გარანტირებულ უფლებებზე უარის თქმა და გარანტისთვის გარანტიის დაბრუნების შემთხვევაში.
- გაიცემა ავანსად გადასახდელ სრულ თანხაზე;
- უზრუნველყოფს ავანსის ხელშეკრულებით განსაზღვრული მიზნით გამოყენებას;
- ძალაში შედის გაცემისთანავე და მოქმედებს ავანსის ხელშეკრულების ვადის შესაბამისად.

6.2. გარანტია თან დაერთვის წინამდებარე ხელშეკრულებას და წარმოადგენს მის განუყოფელ ნაწილს.

6.3. გარანტიის შემსყიდველისთვის მიწოდების ვადის გადაცილება არ იმოქმედებს ხელშეკრულების ვადებზე.

## 7. მხარეთა პასუხისმგებლობა

7.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს დაეკისრება პირგასამტეხლოს გადახდა ყოველ დარღვევაზე ხელშეკრულების ღირებულების 0,1%-ის ოდენობითან.

7.2. გარდა ზემოაღნიშნული პირგასამტეხლოსი, შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა - ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

7.3. პირგასამტეხლო გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 2 კვირისა.

7.4. პირგასამტეხლოს გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

7.5. შემსყიდველს უფლება აქვს ცალმხრივად გაქვითოს მიმწოდებლის მიერ მისთვის გადასახდელი ნებისმიერი თანხა, მის მიერ გადასახდელ ნებისმიერ თანხაში, ცალმხრივად, მიმწოდებლის თანხმობის გარეშე.

## 8. ხელშეკრულების შეწყვეტა

- 8.1. ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მხარე ვალდებულია დამრღვევ მხარეს დაუდგინოს გონივრული ვადა ვალდებულების შესასრულებლად და ვადის უშედეგოდ გასვლის შემთხვევაში შეწყვიტოს ხელშეკრულება.
- 8.2. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 8.3. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ დამატებითი ვადის მიცემის გარეშე:
- ა) მიმწოდებლის მიერ ხელშეკრულებით ნაკისრი ვალდებულებების ორჯერ ან მეტჯერ დარღვევის შემთხვევაში;
  - ბ) მიმწოდებლის მიერ ხელშეკრულებით ნაკისრი ვალდებულებების 10 კალენდარულ დღეზე მეტი ვადით გადაცილების შემთხვევაში;
  - გ) სახელმწიფო კომპეტენტური ორგანოს მიერ ნამახვანის ჰესის პროექტის შეჩერების შემთხვევაში;
  - დ) საქართველოს კანონმდებლობით გათვალისწინებულ სხვა შემთხვევებში.
- 8.4. იმ შემთხვევაში, თუ ხელშეკრულება წყდება ხელშეკრულების 9.5. პუნქტის „გ“ ქვეპუნქტის შესაბამისად, მიმწოდებელს უფლება არ აქვს მოსთხოვოს შემსყიდველს შეწყვეტის შედეგად დამდგარი ზიანის ანაზღაურება.
- 8.5. ხელშეკრულების ვადამდე შეწყვეტის შემთხვევაში, მხარეები ვალდებული არიან შეწყვეტიდან 2 კვირის განმავლობაში განახორციელონ საბოლოო ანგარიშსწორება და ფაქტიურად შესრულებული სამუშაოს ჩაბარება.
- 8.6. ნებისმიერ მხარეს უფლება აქვს გავიდეს ხელშეკრულებიდან, თუ ფორს-მაჟორული გარემოება გრძელდება 1 თვეზე მეტი ვადით.

## 9. ფორს-მაჟორი

- 9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.



9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

9.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 10. კონფიდენციალურობა

10.1 მიმწოდებელი იძლევა გარანტიას, რომ ყველანაირი ინფორმაცია და მონაცემები, მოთხოვნილი ან მოპოვებული მის მიერ, დაკავშირებული სამუშაოებთან, ხელშეკრულებასთან და მის შინაარსთან ითვლება კონფიდენციალურად, შენახული და დაცული იქნება მის მიერ საიდუმლოდ და ხელშეკრულების მოქმედების პერიოდში და მის შემდეგ 5 (ხუთი) წლის განმავლობაში არ უნდა იქნეს გამჟღავნებული რომელიმე ფიზიკური ან იურიდიული პირისათვის, რომელიც არ წარმოადგენს წინამდებარე ხელშეკრულების მხარეს, გარდა:

10.1.1 როდესაც ამას მოითხოვს რომელიმე სამართლებრივი პროცედურა ან სასამართლო გადაწყვეტილება, რომელიც სავალდებულოა მხარისათვის;

10.1.2 გარანტიის, რომელმაც უნდა გასცეს/გასცა ხელშეკრულებაში მოცემული გარანტიები, ამასთან ინფორმაცია უნდა შემოიფარგლებოდეს მხოლოდ გარანტიის მისაღებად საჭირო აუცილებელი შინაარსით;

10.1.3 იმ შემთხვევისა, როდესაც ნებისმიერი მონაცემი ან ინფორმაცია მხარისაგან დამოუკიდებლად ხდება საჯაროდ ცნობილი.

10.2 საიდუმლოს გამჟღავნებად არ ითვლება, თუ აღნიშნულზე წინასწარი წერილობითი თანხმობა განაცხადა შემსყიდველმა იმ პირზე მითითებით, რომელსაც უნდა გადაეცეს შესაბამისი ინფორმაცია.

## 11. ხელშეკრულებაში ცვლილებების შეტანა

ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა დაიდოს წერილობით, რომელსაც ხელს აწერენ მხარეები.

## **12. უფლებების გადაცემა**

12.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

## **13. ხელშეკრულების მოქმედების ვადა**

13.1 ხელშეკრულება ძალაში შედის მხარეების მიერ ხელმოწერიდან და მოქმედებს --- ვადით. (სამუშაოების დასრულების ვადის დასრულებიდან დამატებით 45 კალენარდული დღე)

13.2 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

## **14. ურთიერთობა ხელშეკრულების დამდებ მხარეებს შორის**

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით ან ბარდება ხელზე. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის, ელექტრონული ფოსტის ან ფაქსის გაგზავნის გზით ხელშეკრულებაში მითითებულ რეკვიზიტებზე.

14.2 შეტყობინება მიღებულად ითვლება ადრესატის მიერ მისი მიღების დღეს.

## **15. სადაო საკითხების გადაწყვეტა**

15.1 ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით. შეუთანხმებლობის შემთხვევაში საქმეს წყვეტს თბილისის საქალაქო სასამართლოს.

15.2. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## **16. დამატებითი პირობები**

16.1 წინამდებარე ხელშეკრულება და ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ და ინგლისურ ენაზე.

16.3 ხელშეკრულება შედგენილია ქართულ ენაზე, ორ ეგზემპლარად და გადაეცათ მხარეებს.

16.4. ხელშეკრულებას თან ერთვის შემდეგი დანართები:

## **17. მხარეთა რეკვიზიტები და ხელმოწერები**

დანართი #1 სატენდერო წინადადების ფასი

[პრეტენდენტის დასახელება]

[თარიღი]

თანახმა ვარ სატენდერო დოკუმენტაციაში მითითებული სამუშაო შევასრულო ქვემოთ მოცემულ ფასად:

\_\_\_\_\_ ლარი დღგ-ს ჩათვლით

(თანხა სიტყვიერად)

(თანხა გამოხატული  
რიცხვებში)

[ხელმოწერის სახელი, გვარი]

[ხელმოწერა]

[სტატუსი]

## დანართი #2 გამოცდილების ფორმა

[პრეტენდენტის დასახელება]

[თარიღი]

გარემოზე ზემოქმედების ანგარიშზე მუშაობის - დასრულებული სამუშაოების შესახებ გამოცდილების სრული პერიოდი 5 წელი.\*

| #   | გაწეული მომსახურება (სახე/ტიპი) | კონტრაქტორის (შემსყიდველის) დასახელება | მუშაობის პერიოდი | ხელშეკრულების ღირებულება | ფაქტიურად შესრულებული სამუშაოს ღირებულება |
|-----|---------------------------------|----------------------------------------|------------------|--------------------------|-------------------------------------------|
| 1   |                                 |                                        |                  |                          |                                           |
| 2   |                                 |                                        |                  |                          |                                           |
| 3   |                                 |                                        |                  |                          |                                           |
| ... |                                 |                                        |                  |                          |                                           |

\* თანდართული უნდა იყოს ზემოაღნიშნული ინფორმაციის დამადასტურებელი დოკუმენტაცია სატენდერო წინადადების მოთხოვნების შესაბამისად.

[ხელმომწერის სახელი, გვარი]

[ხელმოწერა]

[სტატუსი]

### დანართი #3 რეკვიზიტების ფორმა

[პრეტენდენტის დასახელება]

[თარიღი]

|                                                                                           |  |
|-------------------------------------------------------------------------------------------|--|
| პრეტენდენტის დასახელება/იურიდიული ფორმა                                                   |  |
| საიდენტიფიკაციო კოდი                                                                      |  |
| ტენდერში მონაწილეობისას წარმომადგენლობაზე უფლებამოსილი პირის სახელი, გვარი, პირადი ნომერი |  |
| მისამართი                                                                                 |  |
| ტელ.                                                                                      |  |
| e-mail:                                                                                   |  |
| ბანკი                                                                                     |  |
| საბანკო ანგარიშის ნომერი                                                                  |  |

[ხელმომწერის სახელი, გვარი]

[ხელმოწერა]

[სტატუსი]